

四庫全書

子部

欽定四庫全書

子部

海錄碎事卷九上

詳校官中書臣李彤

侍讀臣孫球覆勘

總校官進士臣繆琪

校對官中書臣王瓚

謄錄監生臣徐步青

欽定四庫全書

海錄碎事卷九上

宋 葉廷珪 撰

聖賢人事部下

交遊門 擇交附

詩弟子

悼方干幾多詩弟子無限酒知聞

酒知聞 見上

鸞不輟軌

郭林宗至汝南造袁奉高居車不停軌鸞不輟輓詣黃叔度乃彌日信宿

卿用卿法

王夷甫不與庾子嵩交庾卿之不置王曰君不得為爾庾曰卿自君我我自卿卿我自用法卿自用卿法子嵩名數

枉光塵

應休連詩自昔枉光塵結言固終始又繁欽書云冀事

速訖旋侍光塵

結言

見上

雙情交映

雙情交映言情相照

陸士衡四言詩

接餘歡

未嘗銜盃酒接殷勤之餘歡

馬遷書

解交書

袁喬與褚將軍解交書

紀羣間

魯國孔融高才倨傲年在紀羣之間先與紀友後與羣交陳紀陳羣之父也

數面

諺云數面成親舊

陶淵明詩

平素

促席延故老揮觴道平素

上

初交

淡美初交利乖歲寒

刎頸交

張耳議陳餘曰始吾與君為刎頸交

開心寫意

原嘗春陵六國持開心寫意君所知

李白詩

海上契

喜結海上契身為天外賓

李白詩

季友伯兄

交深季作友義重伯為兄
宋之間餞薛司馬

雅故

呂氏雅故本推轂高帝就天下
西漢

干謁門

根抵之容

無根抵之容言無先容也
李斯書

望火馬

嘉祐中未有謁禁士人爭馳騫請托有一人號望火馬

又一人號日遊神言日有奔競

日遊神

見上

一葉影

鄭太穆書于于頔云分千樹一葉之影即是濃陰減四
海數滴之泉便為膏澤

文權

劉得仁上從兄猶祈啟金口一為動文權

客鳥

賈氏譚錄顧况謝李鄴侯詩云萬里飛來為客鳥曾蒙
丹鳳借枝柯

槐柳齊

盧思道欲詣和士開恐為人所見未明而行比至其門
立者衆矣盧駐轡望之曰彼何人斯森然與槐柳齊因
鞭馬疾去

門狀

門狀文宗朝以前無之始於李德裕百官無以希取其

意相扇具銜起居

十一詣

許玄度出都劉真長九日十一詣之曰卿不去使我反

薄德二千石

世說

輕薄尹

見刺史門

紹介

魯仲連傳請為紹介

李錐

後魏李世哲善事人以貨賂自達世號李錐

郭尖

後魏郭景尚善事權寵號曰郭

板刺

未有板刺無容拜謁南史謂名刺也

還刺

李元忠初謁高歡未即見之謂門者曰今公方名雋傑
聞國士至不能吐飧輟洗可還吾刺勿通也

一株桃李

王冷然上裴耀卿書曰拾遺補闕寧有種乎僕不佞亦相公一株之桃李也

談數

名紙生毛

劉魯風江西投謁頗為典謁所阻因賦詩曰萬卷詩書劉魯風烟波千里謁文翁無錢乞與報知客名紙生毛不為通

雜說

屈尊門下

今旦外白有一尉兩計吏不道屈尊門下更啟乃知已

去冀承清誨以釋遠懷

皇甫規書

爵里龍門

一投爵里遽造龍門

金剛杵

薛保遜好殺巨編自號金剛杵

據言

謁如鬼

蘇秦曰楚國之食貴於玉薪貴於桂謁者難見如鬼王

難得見如天帝今令臣食玉炊桂因鬼見帝

朱門跼影

裁尺牘以函誠款朱門而跼影注跼蹙踏也

殷文圭啟

刺字漫滅

禰衡來遊許下陰懷一刺既無所適於是刺字漫滅

詣前

祁侯與楊王孫書曰王孫苦疾僕迫從上祠雍未得詣

前

西漢

枉高駕

多君枉高駕贈我以微言

李白詩

忽來儀

李侯忽來儀把袂苦不早

李白詩

枉清眇

君子枉清眇不知東走迷

李白詩

臨况

將軍迺肯幸臨况魏其請語魏其具將軍旦日蚤臨

灌

夫傳

送贈門

報百繻

李元忠曾貢文襄王蒲桃一盤文襄報以百繻

北史

麤糲之質

見貧窮門

苞苴禮

毛詩木瓜注孔子曰吾於木瓜見苞苴之禮行

流黃素

選何以報之流黃素環濟要畧曰間色有五紺紅紫縹
流黃也

贈芳花

遵大路兮攬子袿贈以芳花辭甚妙

好色賦

嘉貺

是用感嘉貺賜也

張茂先詩

稅人

未仕者不敢稅人如稅人則以父兄之命注謂以物遺

人也始銳反

禮記

金錯刀

美人贈我金錯刀何以報之英瓊瑤古者佩刀以金錯

鏤其環

張平子詩

英瓊瑤

見上美玉也

青琅玕

美人贈我青琅玕何以報之雙玉盤以飾琴也

張平子

錦繡段

美人贈我錦繡段何以報之青玉案

張平子

青玉案

見上

書問門

音信附

歸風響

願記歸風響寄言遺所欽

陸士衡

字不滅

置書懷袖中三歲字不滅

選古詩

書札

客從遠方來遺我一書札

選古詩

幽絨

盈篋自余手幽絨俟君開

謝惠連詩

雙飛鷺

袖中有短書願寄雙飛鷺

重荅書

劉孝標有重荅劉秣陵沼書沼為秣陵郡太守重荅非
一其後沼作書未出而死有自其家得以示孝標乃作

此荅之故曰重荅

致書郵

殷洪喬不能為置書郵

晉書

十部從事

得劉公一紙書賢于十部從事劉宏也

晉書

整兩春

低折滄洲薄無書整兩春

林逋詩

烏封

王嗟長相思云烏封歸飛斷鯉素還流絕

鯉素

見上

論白髮

遠寄一紙書數字論白髮

賈島詩

空中書

幾歲寄我空中書注恐是鴈書

千里面目

江南諺云尺牘書疏千里面目

信鴿

又送新羅僧詩欲整扶桑棹先教信鴿迴

善尺牘

習鑿齒善尺牘又杜詩尺牘倒陳遵

三十六鱗

段成式送雲藍紙與溫庭筠詩曰三十六鱗充使時數

番猶得裏相思

不荅小紙

何曾為丞相有以小紙為書勅記室勿荅

別紙

唐盧光啟受知於租庸使張濬每致書凡一事別為一紙朝士效之蓋重疊別紙自光啟始也

隴西李稹

李稹酒泉公義琰之後門戶第一而有清名常謂爵位族望官至司封郎中懷州刺史與人書惟云隴西李稹

國史補

翰驛

坐馳之際翰驛復來

段成式

鵝毛襞素

鵝毛襞素鳥迹裁書

温庭筠

代面

片牘代面尺書布懷

段成式

飛走之懼

捧讀增藏去之榮執持有飛走之懼言得人書尺

孔融書

孔融與諸卿書曰多惠胡桃深知篤意

結素魚

李季蘭有結素魚贈友人詩云尺素如殘雪結為雙鯉
魚欲知心裏事看取腹中書

託毫素

向秀甘淡薄深心託毫素

來訊

寫誠酬來訊曹植與吳季重書曰得所來訊

書土風

牽綴書土風辭單意未已

誦讀反覆

誦讀反覆雖諷雅頌不復過此

成誦

成誦在心借書于手

損辱嘉問

損辱嘉問蔚矣其文

楊德祖牋

闕然

闕然久不報幸勿為過

馬遠書

勞結

雖書疏往返未足解其勞結

魏文帝書

當自白書

當自白書恐傳言未審是以令舍弟子建因荀仲茂特

從容喻鄙旨

魏文帝與鍾大理書

奉所惠貺

信到奉所惠貺發函伸紙是何文采之巨麗而文教之

綢繆乎

吳季重答東阿王

申詠

申詠反覆曠若復面

曹子建書

復面

見上

適欲遣書

適欲遣書會承來命

應休建與曹長思書

不喜作書

性不便書不喜作書而人間多事堆案盈几不相酬答則犯教傷義欲自勉強則不能久四不堪也

嵇康書

八行書

後漢馬融與竇伯向書曰孟陵奴來賜書見手跡歡喜何量次放面也書雖多紙紙八行行七字竇章字伯向見本傳注

西飛鴻

寄書西飛鴻贈爾慰離析

李白詩

一鴈書

莫惜一鴈書音塵坐胡越

李白詩

挑竹書筒

挑竹書筒綺繡文

李白詩

雲錦字

有鳥海上來今朝發何處口銜雲錦字與我忽飛去一

作雲錦書

李白詩

雲錦書

見上

書附鶴

閭苑有書多附鶴
女牀無樹不棲鸞

李義山詩

潔齋侯

潔齋侯兮惠音聲

宋玉賦

鵲聲喜

梁蕭紀詠鵲
今朝聽聲喜
家信必應歸

三清鳥

層城自有三清鳥不要遼東雙鯉魚

段成式詩

三鳥

懷素縷之雙針願因之于三鳥也

蕭子範七誘

言談門

遊說附

衆難

諸葛表云群疑滿腹衆難塞曾言議論不一也

兵子

劉巴不與張飛語諸葛亮問之巴曰大丈夫處世當交

四海英雄如何與兵子共語

進熟

漢使往外國既多其少從率進熟天子注謂進成熟之言也

光誦

奉承光誦來伏思託後旌

光休文詩

芳訊

綢繆結風徽網緼吐芳訊注方言也

謝宣遠詩

執慎將軍

來敏數以言語不節貶削以其者宿廢而復起後以為
執慎將軍欲令以官重自警戒

蜀志

覲縷

羅縷豈闕辭注羅或作覲

魏太子詩

機警有鋒

謝安謂顧和珪璋特達機警有鋒

笑牒言鯖

笑牒言鯖足漆腹筭

春蛙秋蟬

物理論曰虛無之談其華藻此猶春蛙秋蟬聒耳而已

老胡

有過盧思道見一胡人在坐問何等荅曰從兄浩反語

盧浩為老胡

唐宋逸史

緩頰

漢王謂酈食其曰緩頰往說魏王豹注徐言引譬諭也

西漢

說客

食其從沛公常為說客

西漢

有口辨

陸賈以客從高祖定天下名有口辨

西漢

辨口快耳

辨口快耳其實未可從

雋永

蒯通論戰國時說士權變亦自序其說號曰雋永師古
曰雋字充反肥肉也永長也言所論甘美而味深長也

西漢

攘袂

攘袂而正議者獨大王耳

西漢

口語籍籍

國中口語籍籍甚無復至江都言王建淫亂也

西漢

難言

魯共王餘為人口吃難言

西漢

參語

敬夫人與田延年參語許諾注三人共言故曰參語

破秋毫

王子析道論微言破秋毫

李白詩

捫虱而言

桓溫入關王猛被褐而詣之一面談當世之務捫虱而言旁若無人溫察而異之溫之將還賜猛車馬拜高官

督護請與俱南猛還山諮師師曰卿與桓溫豈並世哉
在此自可富貴何為遠乎猛乃止

談叢

談叢理窟

王孝逸啟

言議英發

孫仲謀謂呂子明可以次于公瑾但言議英發不及之
耳

目論

越世家目見毫毛而不見其睫今王知晉之失計而不
自知越過是目論也

史記

舌妙

吳孫權傳註沈友字子正善屬文好武事又辯于口時
稱其筆之妙舌之妙刀之妙

談助

蔡邕得論衡以為談助

雄辨士

蔡澤天下雄辨之士

酒甕飯囊

禰衡云荀彧可強與言餘皆酒甕飯囊

炊飯成糜

有客詣陳太丘談鋒甚敏太丘乃令元方季方炊飯以延客二子竊聽客語飯落釜成糜而進客去太丘將責之具言其故且誦客語無遺太丘曰但糜自可何必飯

耶

談鋒見上

鎖吾口

公卿縱不憐寧能鎖吾口

李賀詩

嘲玄發墨

戲必嘲玄論常發墨

段成式

筆杪

談端筆杪兩難支當

卜夜論

新破毗曇義相期卜夜論

段成式

陷身機

向來躡等語長作陷身機

杜牧之詩

疲於津梁

庾公見卧佛曰此子疲於津梁於時以為名言

與者忘少

晉武帝每餉山濤嘗少謝安以問子弟謝玄荅曰嘗由
欲者不多而使與者忘少

以舌得官

高帝罵婁敬曰齊虜以舌得官廼今委言沮吾軍

一黷雋

管輅字公明十五至官舍讀書于時黷上有遠方客至
四百餘人皆服其才琅邪太守單子春聞輅一黷之雋
欲與議論曰吾自與卿旗鼓相當于是論難鋒起而輅
答對言皆有餘

虵言鳥語

軍中見人文談曰蛇言鳥語

出北夢瑣言

矯尾厲角

蘇秦有矯尾厲角之辯

出殷文圭集

言談林藪

言談林藪

裴顏書

一代談宗

樂廣謂潘岳曰君天才過人若學必為一代談宗岳遂

勤學又王衍當時談宗

塵毛落

晉劉殷與孫盛對食奮塵尾毛悉落飯中

坐談客

郭嘉曰劉表坐談客耳自知才不足以御備重任之則恐不能制輕用之則備不為用

黃馬劇談

騁黃馬之劇談

頭沒杯案

魏太祖每與人談論及歡悅大笑至以頭沒杯案中肴膳皆沾沔巾幘

亶亶逼人

謝安弱冠詣王濛清言濛謂子修曰此客亶亶來逼人
諧喙

蘇世長機辯為天策府軍諮祭酒褚亮為之贊曰軍諮
諧喙超然辯悟

言語言

郭林宗使能言語生茅容追徐穉而與之言

談論上首

郗超孫綽等與支道林為塵外之友推道林為談論上首支名遁

羊公鶴

見時號喻物門

伎辯

巧行名灾伎辯召患哀哉韓生竟死說難

談柄

南朝栖霞寺大朗法師每說論手執松枝以為談柄

太牢筆

京師語曰太牢筆少牢口東西南北何處走太牢牛僧孺少牢揚虞卿

喙長三尺

見刺史門

闌夕

繼以闌夕語闌也

應場詩

當談笑

粗舉大綱以當談笑

樵蘇不爨

樵蘇不爨清談而已有似周黨之過閔子應璩答曹長
思書注周黨過閔仲叔共飲水而已

胡蘆語

長安市人語各不同有胡蘆語有鎖子語紐語練語三
摺語通謂之市語

松枝

陳後主勅取松枝手以屬張譏曰可代麈尾

應對之能

漢武帝時徐樂諸才備應對之能

晤言

雄猜多忌豈獲晤言之適

原本山川

於是使辯博之士原本山川極命草木

窮澤生流

辯言之艷能使窮澤生流枯木發榮

三窟

馮煖說孟嘗君曰狡兔所以免於死者有三窟矣今為君一窟矣請更為二窟為焚券事

國策

市義

馮煖曰臣矯君命盡以債賜人而燒其券此市義也

國策

策

說誘甘言

說誘甘言懷寶小惠

陳孔璋檄

蹶千金

魯連飛一矢而蹶千金蹋也

班孟堅

捐相印

虞卿以顧眄而捐相印

史記

從人

從人合之橫人散之

史記

據傲乘邪

據徼乘邪以求一日之富貴古堯反

行話談

行話談於公卿之門陳懿誠於本朝之上

噓枯

後漢孔公緒清談高論噓枯吹生無軍旅之才

畢景

殷孚清言畢景

不根持論

司馬相如以辭賦得幸東方朔枚臯不根持論好詛諧
上以佞優畜之雖數賞賜終不任以事

諧隱

詛諧隱語

騰頰

以口語爭之易曰咸其輔頰舌騰口說也

形相門 七情附

貌寢

田蚡為人貌寢生貴盛注侵短小也

妍皮

晉書載記慕容超傳諺云妍皮不裏癡骨

汗珠

杜詩馬驕汗珠落東坡日輪亭午汗珠鎔却是人汗也

眼泉

眼泉鮑溶詩即淚也

不曾晴

淚眼不曾晴鬼詩也

面之山

康僧淵目深而鼻高王丞相每調之僧淵曰鼻者面之
山目者面之淵山不高則不靈淵不深則不清

世說

須髯

顏師古曰在頤曰須在頰曰髯

顏子鬢

李賀詩顏子鬢先春又云顏回十九頭已白

金匱要略卷九上
長鬣公

許遵美須下垂至帶號長鬣公

身鏡體牖

眼者身之鏡耳者體之牖視多則鏡昏聽衆則牖閉妾
有磨鏡之石決牖之術

九華真妃言

神庭腦華

面者神之庭髮者腦之華心悲則面焦腦減則髮素妾
有童面之經還白之法

同上

度形舟

西域真人常歌曰神為度形舟薄岸當別去

關神形

或問王右軍夫人眼耳未覺惡否曰髮白齒落屬乎形體至于眼耳關于神形可便與人隔

三千丈

白髮三千丈緣愁似个長不知明鏡裏何處得秋霜

李

白詩

淚向南雲

躊躇未得往淚向南雲滿

李白詩

玉筋

啼流玉筋盡坐恨金閨切又玉筋日夜流雙雙落朱顏

李白詩

賣眼

賣眼擲春心折花調行客

李白詩

副急淚

沈約宋書世祖至殷貴妃墓令羊志哭志亦嗚咽或問志卿安得此副急淚荅曰我爾日自哭亡妾耳

含辛為淚

符后死慕容熙制百寮於宮內哭使有司案檢無淚則罪之群臣莫不含辛以為淚

齒本

齒本曰哂大笑開口則見故哂為笑也

寶唾

寶唾拾未盡玉啼墮猶鎗

盱衡

注眉上曰衡字林曰盱張目也

涕橫墜

涕橫墜而弗禁

登樓賦

涕洟流

長笛賦涕洟流漫說文洟鼻涕也

淚如綆

淚下如綆縻

王仲宣詩

舌如電光

舌如電光目如曜星

揚雄解嘲

素髮垂領

斑鬢彫以承弁素髮颯以垂領

潘安仁秋興賦

華緇鬢

撫鏡華緇鬢

謝靈運詩

心多體忤

多侈字
忤音泰

張平子西京賦有憑虛公子心參體伏

踈煩想

踈煩想于心宵

天台賦

五蓋

發五蓋之遊蒙注五蓋貪欲嗔恚睡眠調戲疑悔也

天

台賦

五情塞

執紙五情塞揮筆涕汎瀾

歐陽堅石詩

金石軀

願保金石軀慰此長饑渴

陸士衡詩

靈根

宴安清靈根黃庭經云玉池清水灌靈根謂身也

鮮膚

鮮膚一何潤秀色若可餐

陸機臨歌行

衣文蛇

閩越衣文蛇言閩越人皆刻鏤其身為蛇文如人衣服

也 張景陽詩

大宅

陽氣見於眉宇之間侵淫而上幾滿大宅注大宅面也

頭顱

袁尚被執兄熙曰卿頭顱方行萬里

清瞳

甘泉賦云玉女無所眺其清瞳注云音盧目瞳子也

目成

鳧藻馳目成注將以目擊冀成其心

顏延年詩

貌眇

貌眇靚青崖行漾觀綠疇貌眇迴顧貌行漾廣大也

顏

延年詩

行漾

見上

偉幹

詠之常見桓玄鄙其精神不雋謂坐客曰庸神而宅

偉幹不成令器

皴碛

南梁叟肌膚皴碛鬢蒼浪

清揚

褰裳不足難清揚未可候注人之眉目間也詩云婉如

清揚

曹顏遠詩

金骨

蟻壤漏山河絲淚毀金骨

鮑明遠詩

揚衡

揚衡含笑注衡眉目之間也

屑淚

王筠望君終不見屑淚且長吟

金篦

老杜詩金篦定刮眼鏡象未離詮涅槃經云如目盲人
為治目故遣詣良醫即以金篦定刮其眼膜

目潤無真

目潤無真指動有微

四六集

星星

威威感物嘆星星白髮垂

謝靈運詩

蝟毛磔

桓溫須如蝟毛磔眼如紫石稜

髮神

髮神曰玄華目神曰虛鑒

衰蓬

秋來因覽鏡強欲理衰蓬

鼓髯

石勒攘袂鼓髯

鏡中絲

欲知憂解老為視鏡中絲

王融詩

雪刺

宋璟致仕表云霜毛在頸雪刺滿頭

面如凝脂

王右軍見杜弘理而歎曰面如凝脂目如點漆神仙中

人也

晉書

振素

揮手如振素言手如練白

陸士衡詩

履跗

智伯曰吾乃今知水可以亡人國也桓子肘康子康子履桓子之跗

剥葱

方干美人詩剥葱十指轉籌疾

老拳

石勒謂李陽曰孤往日厭卿老拳卿亦飽孤毒手

動魄悅魂

蛾眉詎同貌而俱動於魄芳草寧共氣而相悅于魂

江

文通古別離序

魂去幹

魂兮來歸去君之恒幹何為兮四方此幹體也此蘇賀

反辭也

離騷

游魂

西涼張重華上疏晉室云石季龍自斃遺爐游魂宜速

平蕩

睹記

翟璜曰以耳目之所睹記臣何負於魏成

淚泓泓

清琴醉眼淚泓泓

剪秋水

一雙瞳人剪秋水 李賀詩

眼明囊

述仙記八月作五明囊盛百草露以洗眼

竹抨眼 見佛僧門

眼之食

箋云睡是眼之食既七日不眠眼則枯

臙王

後魏王惠龍世臙鼻江東謂之臙王

驢奴

宋廢帝罵孝武為驢奴

廣長舌

菩薩以廣長舌于一音中現無量音應時說法

蚪紫須

縣官騎馬來獐色蚪紫須

蘆花色

從君翠髮蘆花色獨共南山守中國

李賀詩

歸鬢

吳霜點歸鬢身與塘蒲晚

李賀詩

眉刷翠

李賀唐兒歌杜幽公之子頭玉硤硤眉刷翠

香絲

李賀疏頭歌一編香絲雲撒地玉釵落處無聲膩

霜草

未應白髮如霜草

魯直詩

雄髮

雄髮指危冠猛氣衝長纓

荆卿詩

縣旌

楚王曰寡人心搖搖然如縣旌而無所終薄

白元君

肺部注白元君主肺宮之神

黃庭經

尺宅

脾部尺宅面也

玉廬

玉廬鼻也

桃康

脾長章丹田下神名桃康

黃野

靈臺章脾曰黃野

三關

三關章口為天關手為人關脚為地關

寸田

三丹田各方一寸故曰寸田

五牙

常念章在漱五牙不饑渴五牙者五行之氣配五藏也

已上並黃庭經

七慢岳

若令七慢之岳未推五俗之谷未填慧陽之日未照無
明之雲未晴永冥之風未息夜遊之明未返

弘明集

五俗谷 見上

覺元

覺元腦神名 酉陽雜俎

半面

應奉字世叔嘗詣相表賀賀出造車匠開門扇出半面
視奉

靈監

靈監目神名 酉陽雜俎

始梁

始梁舌神名

酉陽雜俎

六臣不邪

心王若正則六臣不邪

頰聽

伏櫺檻而顛頰聽注頰低頭也古音府字

西京雜記

作勞耳鳴

石勒微時力耕每聞鞞環之音母曰作勞耳鳴非不祥

也

報恩珠

李白贈義士樊介詩心為殺人劍淚是報恩珠

果然

果然有髻髻黑其手亦黑好理其髻

祿仕門 士不遇吏隱附

年官

蔣琬為尚書令中軍師楊儀自謂年官先琬才能踰之

於是怨憤

蜀志

蟬腹龜腸

宋史檀桂託王僧虔求祿不得與書云蟬腹龜腸為日
已久饑虎能嚇人遽與肉餓麟不噬誰為落毛王乃用
為安城郡丞

南服

守臣及南服言仕于南方也

謝宣源

彩華纓

仕子彩華纓遊客竦輕轡韻畧音飄彩影長組貌鮑明遠詩

窘然

吏道何其迫窘然坐自拘

張茂先詩

纓緜徽纒

纓緜為徽纒文憲焉可踰

張茂先詩

牽絲

牽絲及元興解龜在景平謝靈運初去永嘉郡詩牽絲

謂牽王如絲之言而仕也解龜謂解去所佩龜印也元興晉安年號景平宋少帝年號

倦游客

余本倦游客豪彥多舊親

陸士衡詩

要路津

何不策高足先據要路津

選古詩

圈牢物

此徒圈牢之養物言虛受祿養無益于時

曹子建表

琴歌

琴歌既斷酒賦難續北山移文言出任無復樂此也

軒冕年

江揔詩十五詩書日六十軒冕年

麈頭鼠目

李揆輕元載地寒謂苗晉卿曰龍章鳳姿士不見用麈頭鼠目子乃求官耶

三五

漢書有三互法謂婚姻之家及兩州不得交互為官

印牀

唐李慶餘送主簿詩僧來茶竈動吏去印牀閑

日秩

禮云八十日有秩言常給膳

官牒

粗霑文科遂汙官牒

窮猿投林

晉李充家貧求外任乃除劇縣或問之荅曰窮猿奔林豈暇擇木

戶限上

南史劉瑀為右將軍圖侍中不得謂所親曰人仕宦不出當入不入當出安能長居戶限上因求益州

名宦海

仙傳拾遺顏真卿舉進士甲科有道士謁曰子有青簡之名可以度世上補仙官不宜自沉于名宦之海

職分田

通典隋開皇中公卿已下內外官職分田一品至五品有差諸司各有公廨錢以供用也

四時仕宦

傅游藝起一歲賜袍自青及紫人謂四時仕宦然歲中亦敗

戚草

因懷京洛間遊宦何戚草

杜牧詩

官銜

近代選曹補授先具書官次書擬官新舊相銜故曰官銜亦曰頭銜如馬之有銜以制其首

語林

乏使

幸因乏使替組升朝荐蒙過恩文學入侍

劇職煩官

裴漢少有宿疾劇職煩官非其好也

素流

表聿脩素流之中最為規檢

卑節下意

未嘗卑節下意以求仕也

西漢

減仲產

張釋之久宦減仲產不遂欲免歸

本傳

巧善宦

司馬安巧善宦四至九卿

就新官

凡言除者除故官就新官也

簡書忌

畏此簡書忌

潘安仁詩

寄芳荃

忘歸屬蘭社懷祿寄芳荃

沈休文詩

三登令尹

子文無欲卿相而三登令尹

嵇康書

一行作吏

一行作吏此事便廢

程康書

登王塗

若趣欲共登王塗天子階陛也

牒訴恠恠

牒訴恠恠裝其懷敲扑喧囂犯其慮恠音孔恠音摠

北

山移文

左宦

故園雙闕下左宦十年歸

瞻烏靡託

踏地無歸瞻烏靡託

陸佐公石闕銘

爵同下士

爵同下士祿等上農

一城莫賞

士不遇賦寓形百年而瞬息已盡立行之難而一城莫賞

釣鰲客

王嚴光有才不達自號釣鰲客巡游郡邑求麻鐵之資
云造釣具有不應者輒錄姓名至篋中曰釣鰲時取此
等慳漢為餌其言類如此

異聞集

枯魚賦

卜彬為齊擯廢不得仕進乃擬趙壹窮鳥為枯魚賦

勞歌

古樂府也伍緝之二首言抱關士居身危苦窮年不遇
之意

尉尨眉

尉尨眉而郎潛兮連三葉而溝武尨蒼也此是顏駟事

思玄賦

鸞翮鍛

鸞翮有時鍛龍性誰能馴所拜切殘也 杜詩

為官拓落

為官拓落言不諧也 揚雄賦序

給事黃門

位不過侍郎擢纔給事黃門

揚雄解嘲

鴻漸翼

公孫弘卜式兒寬皆以鴻漸之翼困于燕雀

遠迹

遠迹羊豕之間

避世金門

東方朔酒酣據地歌曰陸沉於俗避世金馬門

抗讎

後漢趙壹賦云伊優北堂下抗髀倚門邊注抗髀高亢

倬直之貌

音莫

不及妻子

周堪仕郡縣俸祿不及妻子皆以供賓客

後門之士

離讒放逐之臣窮途後門之士道輒軻而未遇志鬱抑而不申

首公

修身潔已砥節首公師古云首向也

王尊傳

大為路岐

前史稱沈約昧於榮利有台司元稹大為路岐經營相

位國史補

食輸

北齊以後功臣多食郡縣輸若高德正封藍田公食渤

海郡輸

軒裳契

吾將元夫子異姓為天倫本無軒裳契素以烟霞親

李

白詩

權勢門

失勢專權附

冷語如冰

偽蜀潘在寧以財賄交結權貴永興樞要常謂所親曰
權勢之家未皆仗其為援但不欲其冷語冰人耳

外史

擣杓

勢門上品

勢門上品猶當格以清談

任彦升表

輿金輦壁

輿金輦壁輸貨權門

陳琳檄

什一在內

魏成子食祿千鍾什九在外什一在內是以東得卜子

夏田子方段干木君皆師之

史記

猪卑狗險

卞彬為禽獸錄目云羊性淫而狠猪性卑而率鷲性頑

而傲狗性險而拙以指斥貴勢

蛤魚

卞彬蝦蟆賦云紆青拖紫名為蛤魚以比令僕也

鷹頭蠅

抱朴子云清論不能復制繩墨不能復用遂成鷹頭之
蠅廟垣之鼠

安繁戀劇

隋書或諧高頰于文帝曰頰兼領五職安繁戀劇無進

賢之志

熏轅

杜業言翟方進專作威福欲以熏轅天下注熏言熏之
轅讀曰燎假用字

負貴

天下皆言王勇顧但負貴安能勇

紙為銅落

紙為銅落筆為利染故門同王署客號金穴言權貴如

此

五將

五將世權謂王氏五大司馬鳳音商根莽也

倚舊故

丞相賀以舊故乘高勢以為邪謂公孫賀

西漢

乘高勢

見上

門車接轂

萬章字子夏與中書令石顯相善亦得顯權力門車嘗

接轂

平交人

府縣盡為門下客王侯皆是平交人

李白詩

雀目鼠步

楊球為司隸權門股慄皆雀目鼠步

閉眼諾

宋明帝時中書舍人胡母灝專權奏無不可時人語曰
禾絹閉眼諾胡母大張橐禾絹謂上也

爵賞由心

爵賞由心刑戮在口

陳琳檄

光五宗

所愛光五宗所惡滅三族五宗謂上至高祖下玄孫

陳

琳檄

充員品

尚書記朝會公卿充員品而已言曹操專政

同上

迷奪時明

速奪時明杜絕言路

同上

旦握權

旦握權則為卿相夕失勢則為匹夫

揚雄解嘲

勢過寵盛

身危由於勢過而不知去勢以求安禍積由於寵盛而

不知辭寵以招福

陸士衡詩

封已養高

封已養高勢動人主

運命論

名一錢

鄧通一簪不得著身長公主乃令假衣食竟不得名一錢

垂頭搨翼

垂頭搨翼莫所馮恃

陳琳檄

一跌

跌覲結反

客徒欲朱丹吾轂不知一跌將赤吾族

揚雄解嘲

名譽門

德望附

快士

司馬宣王與諸葛亮書曰黃公衡快士也每坐起歎述
足下不去口公衡黃權字也

蜀志

公慙卿

陳寔為太丘長子紀為司農孫羣為司馬世有重名語
曰公慙卿卿慙長

蔥蒨

文物共威蕤聲名且蔥蒨皆盛貌

謝玄暉詩

令圖

平生仰令圖于嗟命不淑

曹子建詩

濫吹

濫吹乖名實使南郭處士吹竽事

盧諶書

宿名

華譚自負宿名快快不得志

無對日下

見甥舅門

雅步南臺

雅步南臺馳聲東省

賣聲兒

李謚詩周孔重儒教莊老貴無為二途雖加異一是賣聲兒

名士

王孝伯言名士不必奇才但使常得無事痛飲酒熟讀離騷便可稱名士

好名

見致仕門

南金東箭

晉顧衆虞潭贊曰顧實南金虞惟東箭

南州望士

晉書顧榮字彥先為南州之望士

聲塵

李昉寄孟賓子詩昔日聲塵喧洛下近來詩價滿江南
華嚴經有色塵聲塵香塵觸塵法塵

擅八區

英名擅八區

左太冲詩

養聲

養聲利三川河洛伊也

鮑明遠詩

事絕稱言

事絕稱言謂無得而言也

任彦升啟

衆議歸高

此衆議所以歸高遠近所以同聲也

吳季重牋

有大名

孝章要為有天下大名

孔文舉書

遺顯號

遺顯號于後世傳土地于子孫

司馬長卿檄

秀出高峙

秀出高峙著名海內

陳孔璋檄

香名

清政過前哲香名達至尊

李嘉祐送王全詩

名下士

稚子亦知名下士樂人爭唱卷中詩

韓魏贈鄭負外詩

延君譽

國語曰使張老延君譽于四方

蒌蒌風威

魯葛反

蒌蒌風威稜稜霜氣

蕪城賦

足我知

張暢與魏尚書李孝伯語孝伯曰君何姓曰姓張孝伯曰張長史暢曰君何得見識孝伯曰君聲名遠聞足使

我知

聲名纏鎖

班嗣荅桓君山書今吾子關仁義之羈絆係聲名之纏鎖

共推安石

王右軍語劉尹故當共推安石劉尹曰若安石東山志立當與天下共推之

卜興亡

殷浩在墓所幾十年朝野以擬管葛起不起以卜江左
興亡

流名譽

淮南王安亦欲以行陰德拊循百姓流名譽

待士門

躡履

嘉惠承帝子躡履奉王孫躡步也所綺切
陸韓卿詩

三顧

諸葛亮表先帝不以臣卑鄙自枉屈三顧臣于草廬之中

東閣三館

公孫弘為相開東閣延士分三館一曰欽賢館有德任
毗贊佐理陰陽者處之二曰翹材館有材堪九列任二
千石者處之三曰接士館有一介之善一方之藝者處
之

勞士若哺

君王一舉手勞四座士若哺梁肉

淮南子

改席

羊欣見謝琨琨常易衣改席欣由此知名于時

傾衿

與上下交結傾衿待遇不逆細微

平津邸

出入平津邸一見孟嘗尊

陸韓卿詩

傾筐倒篋

王家見二謝傾筐倒篋見汝輩來平平耳

世說

三捉髮

周公戒伯禽曰我一沐三捉髮一飯三吐哺

為冠首

淮南王安招致英雋以百數伍被為冠首

恩施

韓延壽接待下吏恩施甚厚

二安

梁建安安成二王尤好人物世以二安重士方之四豪
無留門

鄭當時為大司農戒門下客至無貴賤無留門者

薦舉門 德兆附

金山

明山賓表薦朱异云金山萬丈緣陟未登玉海千尋窺
映不測

群萃

皇澤廣被擢自群萃言拔于衆中

四門啟籥

晉陵王移書太常薦同郡張瞻曰方今太清闕宇四門
啟籥

州望

天監七年詔于州郡縣置州望郡宗鄉豪各一人專掌
搜薦

郡宗 見上

久而益信

荀彧為尚書令薦荀攸可以代已攸亦推賢進士魏武曰二荀令之論人久而益信沒世不忘

挽弓自射

郗詵為左丞推奏吏部尚書崔洪洪曰我舉郗丞而還奏我此所謂挽弓自射也

庇宇下

庾太尉言王眉子曰庇其宇下使人忘寒暑

因雲灑潤

因雲灑潤則芬澤易流乘風載響則音徽自達

陸機演

連珠

覆露重陰

余以頑蔽覆露重陰國語張老謂趙文子曰先王覆露

子也露潤也

潘安仁

有軼才

王襄為益州刺史奏王褒有軼才

慶雲光覆

承慶雲之光覆荷君子之惠渥

寡婦賦

辟名門

祇名

祇名於北京

謝宣遠賦

本州役

豈謂鄉曲譽謬充本州役盧諶涿人為幽州從事故云

盧子諒詩

嘉招

微身輕蟬翼弱冠忝嘉招潘岳嘗被辟為太祖掾

得蒙接事

因緣幸會得蒙接事常就其辟也

盧子諒詩

收迹府朝

收迹府朝遂去左右言辭職而去也

同上

握中璧

握中有玄璧本自荆山璆劉越石贈盧湛劉為并州刺

史常辟之

從軍樂

從軍有苦樂借問所從誰

王仲宣詩

叅時明政

外叅時明政內不廢家私

上

赴名門

齒名

不圖聖詔猥垂齒名

曹子建應詔詩表

詔沈曦

一朝金鳳庭前下當是虛皇詔沈曦

王建詩

辦裝錢

後漢鍾離意上書薦劉平等賜辦裝錢

待詔公車

注公車令屬衛尉上書者所詣也

東方朔傳

比喻門

鵲起登

鵲起登吳山鳳翔陵楚甸登孫權城作莊子曰得時則
義行失時鵲起登

謝玄暉詩

屈轂瓠

鑽屈轂之瓠解疏屬之拘齊有田仲屈轂往見之曰轂
有大瓠堅如石厚而無竅願效之田仲曰堅如石不可
剖也厚而無竅不可以受漿吾無用此也狹穡國人殺
君黃帝加以桎梏致于疏屬山中

七命

輕蚊翼

小言賦景差曰載零埃乘剝塵體輕蚊翼形微蚤鱗經
由鍼孔出入羅巾飄妙翩綿乍見乍泯

糠輿

唐勒曰折飛糠以為輿剖批糟以為舟憑蚬皆以顧眄

附蠖螻以遨遊

小言賦

虱脰蟻肝

又曰館于蠅鬢宴于毫端烹虱脰切蟻肝會九族而同

齎猶委餘而不殫

上

一月光

文子曰百星之明不如一月之光十牖畢開不如一戶之明

一拳宮

化書云螻蟻之有君也一拳之宮與衆處之一粒之食與衆畜之一罪無疑與衆戮之

膠柱

藺相如曰王以名使趙括如膠柱而鼓瑟耳

史記

鳥鳴似語

鳥鳴似語虫葉成字

文心雕龍

蚊知足

齊桓公憂蚊因開翠紗之幃進蚊子焉其蚊有知禮者
不食公之肉而退其蚊有知足者吮咀公之肉而退其
蚊有不知足者吸而食之其飽也腸腹為之潰破

出金

棲子

水失魚

尸子曰孔子曰商汝知君之為君乎子夏曰魚失水則死水失魚猶為水也子曰商汝知之矣

補狐裘

慕容鍾見公孫五樓專朝政謂人曰黃犬之皮恐終當補狐裘也

班馬迷

殷文圭啟迷同班馬寒甚蟄虫注子書云老馬色班迷於道路

鹿獨

蟬聯兵難鹿獨江臯注言如鹿之獨行上

蜂蠆致蠱

猛虎之猶豫不如蜂蠆之致蠱孟賁之狐疑不如童子之必至蠱毒也呼各反

西漢

叢輕折軸

衆口鑠金積毀消骨叢輕折軸羽翻飛肉

西漢鄒陽

搏牛蝨

搏牛之蝨不可以破虱言方於擊秦不可盡力破章邯也

高祖紀

痿不忘起

韓王信與柴將軍書曰僕之思歸如痿人不忘起盲者不忘視勢不可耳

佶糠及米

語有之曰佶糠及米古舐字用舌食也以喻犬耳

高五

王傳

土扶成牆

土扶可成牆積德為厚地

李白詩

嬾北飛

我似鷓鴣鳥南遷嬾北飛

一水魚

昔作一水魚今成兩枝鳥

覆水

覆水不可收行雲難再尋

李白詩

井底桃

妾如井底桃
開花向誰笑

上

雞栖鶴籠

雞栖鶴籠
窈窕鸞鳳

李白

百里販樵

俗諺曰
百里不販樵
千里不販糴
居之一歲
種之以穀
十歲樹之以木
一生脩之以德

係蹄

係蹄在足則猛虎絕其蹠蝮蛇在手則壯士斷其節

陳

孔璋檄

雨絕于天

雨絕于天言雨下之地無還雲之期

同上

隆車之隧

欲以螳螂之斧禦隆車之隧

同上

走干羊

一狼走干羊

漢武詔書云

惜草芳

惜草芳者傷禾稼惠盜賊者傷良人 鹽鐵論

壽民

譬之若良醫病萬變藥亦萬變病變而藥不變向之壽民今為殤子矣

磨瑩益明

或短高頰於上皆被疎黜因謂頰曰獨孤君猶鏡也每被磨瑩皎然益明頰父賜姓獨孤氏 隋書

水間牆

元諧常白高祖曰公無黨援譬如水間一堵牆大危矣
及受禪上顧諧曰水間牆竟何如也

隋書

檻中猿

昔如鞬上鷹今似檻中猿

鮑明遠詩

借翰

借翰于晨風假足于六馭

陳孔璋檄

乘鴈雙鳧

乘鴈集不為之多雙鳧飛不為之少

乘去聲四馬也解

嘲

空柯無刃

空柯無刃公輸不能以斲但懸曼矰蒲苴不能以射

四

子講德論

衝蒙涉田

衝蒙涉田而致遠不若遵途之易也膺騰撒波而濟水

不如乘舟之逸也

同上

不畜狸

養雞者不畜狸牧獸者不育豺樹木者憂其蠹保人者

除其賦也

同上

形過鏡

形過鏡則照窮物勝權而衡殆

演連珠

天損

足於性者天損不能入足於性者松柏天損者雪霜上

時藿向陽

時藿向陽蕞荷依陰

閑居賦

秋蒂

邈若墜雨翻似秋蒂

謝玄暉賦

黑子着面

淮陽之北大諸侯塵如黑子之着面

奢豪門

樹頰胛

蔣濟曰樊子昭甬齒牙樹頰胛吐唇脰自非許文休之

敵也 蜀志

駢脅駮乘

趙良謂商鞅曰君之出也後車數千從車數百多力而駢脅者駮乘

蠟炊

世說石季倫以蠟燭炊飯李義山詩云蠟燭辰炊竟未休

銅沓砌

趙昭儀居昭陽舍砌皆銅沓冒而黃金塗注云砌門限也

壁帶

昭陽舍壁帶為黃金缸注壁帶壁之橫衣露出如帶者也

壯士籍

名在壯士籍不得中顧私

曹子建詩

私名

列子危氏有子曰子華善養私名使其俠客以鄙相攻

謝康樂

謝靈運襲爵康樂公性奢豪世共宗之稱謝康樂

倚黃金

少年行上馬等閒銷白日出門輕薄倚黃金

褚載詩

夸詡

夸詡音許自光大也春秋傳曰會同主詡揚雄云誇詡
衆庶是也

薄御膳

武帝初何曾薄太官御膳自取私食子邵又過之而王愷又過邵王愷羊琇之傳盛致聲色窮珍極麗至元康中夸恣成俗轉相高尚石崇之侈遂兼王何而儷人主矣崇既誅死天下尋亦淪喪借踰之咎也

晉書

駱駝負函

虞孝仁性奢華伐遼之後授都水丞充使監運以駱駝負函盛水養魚以自給

錦步障

石崇與王愷羊琇之徒以奢靡相尚愷作紫絲布步障四十里崇作錦步障五十里

一鈎絲

張昌儀恃易之兄弟所居奢溢有題其門云一鈎絲能得幾時絡昌儀書其下一日即足未幾敗

嘉話

燭十圍

淮南揚渥燃十圍之燭以擊毬

金蓮花盆

段文昌富貴後打金蓮花盆盛水而濯足徐相商致書而規之鄒平曰人生幾何要酬平生不足也

北夢瑣言

俠骨香

寶玦誰家子長聞俠骨香堆金買駿骨將送楚襄王

木妖

唐天寶後中官節將競起亭館第舍力窮乃止時人謂之木妖

麝壁

東昏侯塗壁皆以麝香

錦維舟

吳志甘寧以錦維舟或割棄以示奢侈

鍊炭

見薪炭門

錢甃花徑

王元寶以錦石為柱以錢甃花徑

明皇雜錄

北路魚

梁徐君倩盛服玩與襄陽魚弘同時人語曰北路魚南
路徐

儉約門

三楮

朱博食不重味案上不過三楮

漢書

宣巨公

宣秉字巨公布被蔬食帝幸其府舍歎曰楚國之二龔
不如雲陽宣巨公

既媿

周人既媿媿者儉嗇也而師吏尤甚

說苑

薄笨車

宋書劉凝之居儉苦夫妻共乘薄笨車出市賣易周身之外悉以施人

老慳

劉秀之儉宋武帝目之為老慳

頰拾印取

魯人俗儉嗇而丙氏尤甚以鐵冶起富至鉅萬然家自
父子兄弟約頰有拾印有取注頰古俯字俯印必有所
取拾無巨細好惡也

西漢貨殖傳

愛惜費

愚者愛惜費但為後世嗤

選古詩

費半菽

莫肯費其半菽罕有落其一毛

廣絕交論

魚菽祭

灌畦鬻蔬為供魚菽之祭織絢緯綉以充糧粒之費言
淵明也絢音衢齊大夫陳乞曰常之毋有魚菽之祭祭
用魚豆示儉也

穀布巾

張秀孝不好浮華常冠穀布巾執耕攔皮麈尾

斧木

劉善明質素不好聲色所居茅齋斧木而已言只用斧

斫木不空也

南史

年甲門

壽夭附

茂年

茂年薨殞猶言盛年也

幾甲子

數人不知幾甲子昨來猶帶冰霜顏

李白詩

初冠帶

年華初冠帶文體舊弓裘

李嘉祐送王裕詩

游洛歲

盖同王子洛濱之歲實惟辟彊內侍之年王子晉初游
洛濱年十五張辟彊為侍中年十五

沈休文碑

損年

損年以求早成非志所為也司馬朗之言損年者蓋減
歲數也

不祿

人死壽考曰卒短折曰不祿

尔雅云

富于年

太子方富于年猶言富于春秋

七發

年涯

淨言方丈雖然病曼倩年涯未有多

褚載詩

疾病門

重腿

足腫也春秋傳云重腿之疾腿馳偽切

嬰哀

南史嬰哀抱疾又云銜戚家庭

移病

楊敞皇懼移病師古曰謂移書言病也

生慮

積疴謝生慮寡慾罕所闕

謝靈運詩

大怒痊疾

文選七命注云齊威王有疾文摯云王大怒必痊摯乃
不脫履登王牀王大怒疾遂愈

瘴母

嶺表或見物自空而下始如彈丸漸如車輪遂四散人中之即病謂之瘴母

嶺表錄

漳浦臥

李義山詩可憐漳浦臥又云臥病劇清漳皆病中作又劉公榦詩余嬰沈痼疾竄身清漳濱

僖鬼

晉陸玩嘗詣王導食酪得疾與導書云雖是吳人幾為僖鬼

遊岱宗

常恐遊岱宗太山也人命屬之劉楨卧疾言病危欲死

也劉公幹詩

寢瘵

寢瘵謝人徒注瘵疾也

淹病滯疾

雖有淹病滯疾猶將伸偃起蹙發替披聳沉直眇小煩

懣醞病酒之徒哉七發

忍然

忍然汗出霍然病已乃典反

宋玉

兔缺

晉書魏詠之生而兔缺醫云可割而補但須百日不得語笑詠之曰半生不語而有半生亦當療之

帶移孔

沈約以書陳情于徐勉言已老病百日數旬革帶常應移孔以手握臂率計月小半分欲謝事求歸老之秩

瘦行

中有病夫披白搭瘦行清坐詠遺編

林逋詩

治令

治令猶言治命疾未困亂時命也

賈誼新書

病力

病力病甚也

出汲黯傳

崔家疾

唐世呼病瘦為崔家疾

負痾

負痾頽簷下終日無一欣

陶淵明

牛呵病

橋梵鉢提言我有口業於過去劫輕弄沙門世世生

有牛呵病

出楞嚴經

白麥麩

竇氏子言家方盛時有奴斂群從數宅之資供白麥麩
言麥性平由是恣飡不疑凡數歲後有告奴妄言所輸

乃常麥諸人暴熱一時皆作

國史補

虱卜

嶺南人有病以虱卜之向身為吉背則凶

酉陽雜俎

病間多鬼

宋廢帝太后病篤遣呼帝帝曰病人間多鬼可畏那可往也

撤瑟晨

寧知安歌日非君撤瑟晨君子有疾撤瑟琴

卧疾詩

謝朓在宣城作卧疾詩沈休文和之

手足墮窳

手足墮窳無力也

七啟

筋骨挺解

筋骨挺解四支委隨

七發

顛眴

臣嘗有顛眴疾恐一旦先犬馬填溝壑眴音縣

揚雄美

新論

疢疾

年在中身疢維疢疾書文王受命惟中身左氏傳齊侯
疥遂疢杜預曰瘧疾也 陶徵士誄

疾陰消

夏侯康之子泰病陰消為閹人劣弱不能治國

求墳

池陽有疾病則禱其先墳謂之求墳

青鼻瘡

廣南春日有青鼻瘡秋月有黃茅瘡

夢寐門

吞玉勝

齊高帝劉皇后母桓氏夢吞玉勝而生后

青蠅惡

漢昌邑王賀夢青蠅矢以問郎中令龔遂遂曰陛下左側讒人衆多如是青蠅惡矣注惡即矢也越王勾踐為

吳王嘗惡

十八公

吳丁固夢松生腹上占者曰松十八公也後十八年當為公

半面笑

幽明錄賈弼夢見人曰愛君美貌欲易君頭遂許之後能半面笑半面啼兩手把筆文詞各異

梧丘魂

梧丘之魂不愧于沈首鵠亭之鬼無恨于灰骨注齊景
田于梧丘夜夢五大夫稱無罪晏子曰先君靈公田五
大夫驚獸皆殺之五首同穴公出而厚葬之

李斯書

嚙語

呂蒙嚙語通周易魚計反睡語也

名在月中

會稽先賢傳闕澤年十三夢見名字炳然在月中

黃衣翁

見賦門

精夢為芝

楚襄王遊雲夢夢一婦人名曰瑤姬曰我夏帝之季女也封于巫山之陽臺精魂為芝媚而服焉則與夢期也

襄陽耆舊傳

乘雲繞日

傅說夢乘雲繞日而行歲餘乃聘之

拾遺記

槐安國

淳于棼醉夢三紫衣吏名曰槐安國王致命

異聞集

審雨堂

搜神記盧綸夢入蟻穴見堂宇危豁題曰審雨堂

諸事

拾遺

夢踐橫木

見科第門

一木破天

王敦謀晉夢將一木上破天以問卜者許真君時為旌陽令因見敦解曰此是未字晉祚未終公未可動

續仙

記

句夢詩

段成式夢得句云夢裏思甘露言中惜惠燈一聯因續
所夢句成十韻云

魄妖

夜遇惡夢者一曰魄妖二曰心試三曰尸賊

真語

睡蛇

遺教經黑蛇在身當以持戒鉤除之又云睡蛇既去乃
可安眠黑蛇亦睡蛇也

夢中身

李鉉言至精之人夢中之身可求劉幽求見妻夢中身也

昆脚皆頭

杜牧求小儀小秋不遂夢人謂曰辭春不及秋昆脚與皆頭後果得比部員外

額上耳

張審通夢蔣山君名作判狀申天曹云與君三耳數日

額痒湧出一耳通前三耳湧出者尤聰時號三耳秀才亦曰鷄冠秀才

白中炊

張瞻夢白中炊有王生者曰吾歸不見妻矣白中炊固無釜也

洗白馬

優人季伯伶夢洗白馬梅成伯占之曰反語洗白馬者瀉白米也季先得百斛米於涇州使弟取之果覆舟一

粒無餘

夢墨

王勃夢人遺以九墨盈袖自是文章日進

西陽雜俎

吐白鳳

商芸小說揚子雲夢吐白鳳凰集于玄上

紫戶將軍

得惡夢即呪曰黃閻神師紫戶將軍把鉞搖鈴消滅惡

津真誥

一髀熱

張敬兒妻尚氏曰吾昔夢一手熱如火而君得南陽郡
元徽中夢一髀熱君得本州後夢半體熱尋得開府今
復舉體熱矣由此有異志被誅

南史

夢食月

王曇遷夢月落入懷乃擘而食之脆如冰片味美遂更
名月德

松為人君

夢見松者見人君也

出夢書

梓化松

周大姒夢梓化為松

採榆葉

夢書榆為人君德至仁也夢採榆葉受恩賜也夢居樹上得貴官也

日三分

談數魏文帝為王時夢日墜地分為三分已得一分而

內懷中

吹塵夢

潛夫論黃帝夢大風吹天下塵土得風后以為相

蘅蕪香

漢武夢李夫人遺蘅蕪香覺而衣枕香三月不散

三公贈

元順夢卧槐樹下自言槐字木傍鬼身與鬼并寧不死
乎然亡後乃得三公贈耳

福門子

刁導當病篤夢神人救之曰福門子當享長年

結遠夢

歸心結遠夢落日懸春愁

四法判夢

釋典以四法判夢一曰無明薰習二曰舊識巡遊三曰
四大偏增四曰善惡先兆

捉龍脚

淮南太守孫奉伯與齊高帝款舊常夢帝乘龍上天于
下捉龍脚不得及覺因謂帝曰公當大庇生靈而弟不
得與也

梨花夢

東坡梅詞高情已逐曉雲空不與梨花同夢注王昌齡
夢中作梨花詩

大夢

李白詩處世若大夢胡為勞其生

玄陰池

石憲夢與群僧游于水中云此玄陰池也覺而驗之乃
群蛙

迷夢詩

見禁直門

食瓊瑰

聲伯夢涉洄或與已瓊瑰食之泣而為瓊瑰盈其懷三
年不敢言言之暮而卒左傳注有舍之象故卒

假夢通靈

願假夢以通靈

閑情賦



海錄碎事卷九上